



UGOVOR o nabavci tonera i ketridža

KJKP Sarajevogas d.o.o., Sarajevo, ul. Trg Fadile Odžaković Žute br. 4, 71000 Sarajevo
koga zastupa, Direktor Preduzeća mr. sc. Nihada Glamoč, dipl.ing.maš., (u daljem tekstu: Kupac);

i Aero Exclusive d.o.o., Kolodvorska br. 12, Sarajevo
koga zastupa Direktor, Muhamed Čeliković (u daljem tekstu: Prodavac)

Član 1.

Predmet ovog ugovora je nabavka tonera i ketridža po provedenom konkurentskom postupku nabavke broj KN-05-04/18. Prodavac tonera i ketridža je dostavio ponudu prema obrascu za cijenu ponude broj SP-OJ04-KN-05-04/18 (ANEX III) koji je priložen uz ovaj ugovor i predstavlja njegov sastavni dio.

Član 2.

Ugovorna vrijednost robe iz člana 1. ovog ugovora iznosi: 47.846,30 KM bez PDV-a (slovima:četrdesetsedamhiljadaosamstočetrdesetšest 30/100), a jedinične cijene su fiksne i neće se mijenjati tokom trajanja ugovora.

Član 3.

Prodavac će robu iz člana 1. isporučivati prema obrascu SP-OJ04-KN-05-04/18 (ANEKS III), nakon zaključenja ovog ugovora, sukcesivno prema potrebama Kupca. Ugovorne strane su saglasne da se kvalitativni i kvantitativni prijem isporučene robe izvrši od strane ovlaštenih predstavnika svake ugovorne strane u skladištu kupca.

Član 4.

Prodavac će obračun isporučene robe vršiti po jediničnim cijenama iz priloga ovom Ugovoru. Kupac će plaćanje izvršiti u roku 30 dana po izvršenoj isporuci i prijemu uredno ispostavljene fakture na transakcijski račun Prodavca naznačen na fakturi.

Član 5.

Kupac i prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane.

Član 6.

Prodavac nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja kupca.

Član 7.

Prodavac je u obavezi da u roku do 5 (pet) dana nakon dobivanja narudžbe od kupca izvrši isporuku tonera i ketridža. Za svaki dan kašnjenja u isporuci kupac će zaračunati penale u iznosu od 1%, s tim da ukupan iznos penala ne može biti veći od 5% ukupne vrijednosti ugovora.



Prodavac se obavezuje da tonere i ketridže neće isporučivati kao reciklirane, već kao originalno fabrički proizvedene.

Isporučeni toneri i ketridži će takođe, biti identični uzorcima koji su dostavljeni uz ponudu.

Za slučaj pojave eventualnih kvarova koji mogu nastati na uređajima kupca zbog upotrebe isporučenih tonera i ketridža Prodavac se obavezuje snositi sve troškove otklanjanja istih. Takođe se obavezuje, da će korištenjem njegovih tonera i ketridža Kupac dobiti tehnički kvalitetan ispis i da će u slučaju eventualnih greški u ispisu izvršiti zamjenu isporuke, zbog koje je došlo do greške.

Član 8.

Ukoliko kupac u ugovornom roku iz člana 5. ovog ugovora ne plati cijenu za isporučenu robu obavezan je prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

Član 9.

Ovaj ugovor se zaključuje na period od 1 (jedne) godine počev od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

Član 10.

Ugovorne strane su saglasne da prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke. Ograničenja u smetnji iz stava 1. ovog člana traju 6 (šest) mjeseci od dana zaključenja ugovora.

Član 11.

Na sve odnose i institute koji nisu navedeni u ugovoru, a pojave se prilikom realizacije, primjenjivaće se odgovarajuće odredbe Zakona o obligacionim odnosima.


Član 12.

Ovaj ugovor stupa na snagu danom potpisivanja od strane obje ugovorene strane, a sačinjen je u 4 (četiri) istovjetna primjeraka, od kojih svaka ugovorena strana zadržava po 2 (dva) primjerka.

Član 13.

Sve nesporazume do kojih dođe u realizaciji ovog ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

Za Prodavca:




Direktor, Muhamed Čeliković

Broj ugovora, 7001/18

Za Kupca:

Direktor Preduzeća



Mr.sc. Nihada Glamoč, dipl.ing.maš.

Izvršni direktor



Mr. Mehmed Mehović, dipl.oec.

Broj ugovora, 84/18

3 0 -03- 2013


Suno